

储光羲诗集

储光羲

文硕阁

wenshuoge.com

目录

关于我们	3
提要	5
储光羲诗集原序	6
唐储光羲诗集卷一	7
唐储光羲诗集卷二	14
唐储光羲诗集卷三	20
唐储光羲诗集卷四	26
唐储光羲诗集卷五	32

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案储光羲诗集五卷陈振孙书录解题载储光羲诗五卷唐监察御史鲁国储光羲撰与崔国辅綦母潜皆同年进士天宝末任伪官贬死唐书艺文志储光羲政论下注曰兖州人开元进士第又诏中书试文章厯监察御史安禄山反陷贼自归与振孙所叙爵里同而任伪官事已小异又包融集条下注曰融与储光羲皆延陵人与丁仙芝等十八人皆有诗名殷璠彙次其诗为丹阳集者则并其里籍亦异自相矛盾莫之详也唐志载其集七十卷是集前有顾况序亦称所着文篇赋论七十卷辛文房唐才子传称其又有九经分疏义二十卷与所作政论十五卷并传今皆散佚存者惟此诗五卷耳其诗源出陶潜质朴之中有古雅之味位置于王维孟浩然间殆无愧色殷璠河岳英灵集称其削尽常言得浩然之气非溢美也乾隆四十三年七月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

储光羲诗集原序

圣人贤人皆钟运而生述圣贤之意亦钟运盛衰矣开元十四年严黄门知考鲁国储公进士高第与崔国辅员外綦母潜著作同时其明年擢常建少府王龙标昌龄此数人者皆当时之秀而侍御声价隐隐轘轳诸子其文篇赋论凡七十卷虽无云雷之防意气相感而扶危急病绰有贤达之风挟身虏庭竟防危邦士生不融何以言命然窥其鸿洞窃防之气金石管磬之声如登瑶台而进玉府灵篇防宇景物寥映绿流翠草嘉禾瑞鸟不足称珍嗣息曰溶亦鳳毛骏骨恐坠先志泝洄千里泣拜告予云我先人与王右丞伯仲之权也相国縉云尝以序冠编次防縉云之谪亡焉后辈据文之士风流不接故小子获忝操简伏惧魂游无方嗤责造次茫茫古道不见来者岂以龙战害乎鹿门齐竽竞次燕石争宝呜呼薄游之士未跻一峯已伐其峻登阆风者乃知逦迤昏明掩豁将尽复通之若是乎顾况撰

唐储光羲诗集卷一

五言古诗

述韦昭应画犀牛

遐方献文犀万里随南金大邦柔远人以之居山林食棘无秋冬絶流无浅深双角前崭崭三蹄下馱馱朝贤壮其容未能辨其音有我衰鸟郎新邑长鸣琴陞阁飞嘉声丘甸盈仁心闲居命国工绘北堂陰耿耿若有神庶比来仪禽昔有舞天庭为君奏龙吟

献王威仪

入与眞主言有骑天马来但有华清宫不用神明台肃肃长自闲门静无人开

野田黄雀行

嘖嘖野田雀不知躯体防闲穿深丛里争食复争飞穷老一顔舍枣多桑树稀无枣犹可食无桑何以衣萧条空仓暮相引时来归斜路岂不捷渚田岂不肥水长路且坏恻恻与心违

樵父词

山北饶朽木山南多枯枝枯枝作采薪防室私自知诘朝斫斧寻视暮行歌归先雪隠薜荔迎暄卧茅茨清涧日濯足乔林时曝衣终年登险阻不复忧安危荡与神游莫知是与非

渔父词

泽鱼好鸣水溪鱼好上流渔梁不得意下渚潜垂钓乱荇时碍楫新芦复隠舟静言念终始安坐看沉浮素髮随风远心与云游逆浪还极浦信潮下沧洲非为徇形役所乐在行休

牧童词

不言牧田远不道牧陂深所念牛驯扰不乱牧童心圆笠覆我首长蓑披我襟方将忧暑雨亦以惧寒陰大牛隠层坂小牛穿近林同类相鼓舞触物成讴吟取乐须臾间宁闻声与音

采莲词

浅渚荇花繁深潭菱叶疎独往方自得耻邀淇上姝广江无术阡大泽絶方隅浪中海童语流下鲛人居春雁时隠舟新萍复满湖采采乘日暮不思贤与愚

采菱词

浊水菱叶肥清水菱叶鲜义不游浊水志士多苦言潮没具区薮潦深云梦田朝随北风去暮逐南风旋浦口多渔家相与邀我船饭稻以终日莼羹将永年方冬水物穷又欲休山樊尽室相随从所贵无忧患

射雉词

曝暄理新翳迎春射鸣雉原田遥一色臯陆旷千里遥闻呶喔声时见双飞起翬防踈蒿下毬毬深丛里顾敌已忘生争雄方决死仁心贵勇义岂能复伤此超遥下故墟迢逴回高峙大夫昔何苦取笑欢妻子

猛虎词

寒亦不忧雪饥亦不食人人肉岂不甘所恶伤明神太室为我宅孟门为我邻百兽为我膳五龙为我宾防马一何威浮江亦以仁彩章耀朝日爪牙雄武臣高云逐气浮厚地随声震君能贾余勇日夕长相亲

渭桥北亭作

停车渭阳暮望望入秦京不见鹓鸾道如闻歌吹声乡魂涉江水客路指蒲城独有故楼月今来亭上明

述华清宫【五首】

上在蓬莱宫莫若居华清朝朝礼 阁日日闻体轻大圣不私已精禋为羣氓

上出蓬莱时六龙俨齐首长道舒羽仪彤云映前后天声殷宇宙真气到林薮

昔在轩辕朝五城十二楼今我神泉宫独在骊山陬羣方趋顺动百辟随天游

正月开阳和通门缉元化穆穆睟容归岂为明灯夜高山大风起肃肃随龙驾

上林神君宫此地即明庭山开鸿蒙色天转招摇星三雪报大有孰谓非我灵

杂咏五首

石子松

盘石青岩下松生盘石中冬春无异色朝暮有清风五鬣何人采西山旧两童
架檐藤

得从轩墀下殊胜松柏林生枝逐架远吐叶向门深何许答君子檐间朝暝阴
池边鹤

舞鹤傍池边水清毛羽鲜立如依岸雪飞似向池泉江海虽言旷无如君子前
钓鱼

垂钓绿湾春春深杏花乱潭清疑水浅荷动知鱼散日暮待情人维舟绿杨岸
幽人居

幽人下山径去去来青林滑处莓苔湿暗中萝薜深春朝烟雨散犹带浮云阴
题太 观

门外车马喧门里宫殿清行即翳若木坐即吹玉笙所喧既非我真道其防防
至嵩阳观观即天皇故宫

真人上清室乃在中峰前花雾生玉井霓裳画列仙念兹宫故宇多此地新泉松柏有清阴薜
萝亦自妍一闻步虚子又话逍遥篇忽若在云汉风中意泠然

贻韦链师

精思莫知日意静如空虚三鸟自来去九光遥卷舒新池近天井玉宇停云车余亦苦山路洗
心祈道书

霁后贻马十二巽

高天风雨散清气在园林况我夜初静当轩鸣绿琴云开北堂月庭满南山阴不见长裾者空
歌游子吟

题陆山人楼

暮声杂初鴈夜色涵早秋独见海中月照君池上楼山云拂高栋天汉入云流不惜朝光满其如千里游

献八舅东归

高位莫能舍舍之世所贤云车游日华岂比龙楼前寝疾乃就枕情感唯灵仙帝鸿师道宗臣彭亦长年天书加羽服又许归东川镜水涵太清禹山朝上 诚亡真混沌玉立方婣娟素业作仙居子孙当自传门多松柏树篋有逍遥篇独往不可羣沧海成桑田

泛茅山东溪

清晨登仙峰峰逺行未极江海霁初景草木含新色而我任天和此时聊动息望乡白云里发棹清溪侧松柏生深山无心自贞直

吃茗粥作

当昼暑气盛鸟雀静不飞念君高梧陰复解山中衣数片逺云度曾不蔽炎晖淹留膳茶粥共我饭蕨薇敞庐既不逺日暮徐徐归

游茅山【五首】

十年别乡县西去入皇州此意在观国不言空逺游九衢平若水利往来轻舟北洛反初路东江还故丘青山多秀木碧涧尽清流不见子桑扈当从方外求

二

世业传儒行行成非不荣其如怀独善况以闻长生家近华阳洞早年深此情巾车云路入理棹瑶溪行天地朝光满江山春色明王廷有轩冕此日方知轻

三

平生非作者望古怀清芬心以道为际行将时不羣兹山在人境灵贶久传闻逺势一峰幽近形千嶂分冬春有茂草朝暮多鲜云此去亦何极但言西日曛

四

昔贤居柱下今我去人间良以直心旷兼之外视闲垂纶非钓国好学异希顔落日登高屿悠然望逺山溪流碧水去云带清陰还想见中林士岩扉长不關

五

名岳徵仙事清都访道书山门入松柏天路涵空虚南极见朝爽西潭闻夜渔
逵心尚云宿浪迹出林居为已存实际忘形同化初此行良已矣不乐复何如

述降圣观

一山尽天苑一峰开道宫道花飞羽卫天鸟游云空玉殿俯 水春旗摇素风
夹门小松柏覆井新梧桐自昔大仙下乃知元化功神皇作桂馆此意与天通

题眇上人禅居

眞王清净子燕居复行心结宇隣居邑寤言非远寻丹青丈室满草树一庭深秀色
冬发交枝白日陰江流映朱户山鸟鸣香林独住已寂寂安知浮与沉

过新丰道中

西下长乐坂东入新丰道雨多车马稀道上生秋草太陰蔽臯陆莫知晚与早雷
杳冥冥川谷漫浩浩诏书植嘉木众言桃李好自愧无此容归从汉陰老

夜到洛口入黄河

河洲多青草朝暮增客愁客愁惜朝暮枉渚暫停舟中宵大川静解防逐归流浦溱既清旷防
洄非阻修登舫望落月击汰悲新秋倘遇乘槎客永言星汉游

使过弹筝峡作

鸟雀知天雪羣飞复羣鸣原田无遗粟日暮满空城达士忧世务鄙夫念王程晨过弹筝峡马
足凌竞行双壁隱灵曜莫能知晦明皛皛坚冰白漫漫陰云平始信古人言苦节不可贞

泊舟貽潘少府

行子苦风潮维舟未能发宵分卷前幔卧视清秋月四泽蒹葭深中洲烟火絕苍苍水雾起落
落疎星没所遇尽渔商与言多楚越其如念极浦又以思明哲常若千里余况之异乡别

仲夏入园中东陂

方塘深且广伊昔俯吾庐环岸垂绿柳盈泽发红蕖上延北原秀下属幽人居暑雨若混沌清
明如空虚此乡多隱逸水陆见樵渔废赏亦何贵为欢良易攄且言重观国当此赋归欤

效古【二首】

晨登凉风台暮走邯郸道曜灵何赫烈四野无青草大军北集燕天子西居镐妇人役州县丁男事征讨老幼相别离哭泣无昏早稼穡既殄绝川泽复枯槁旷哉远此忧冥冥商山皓

东风吹大河河水如倒流河洲尘沙起有若黄云浮赭霞烧广泽洪曜赫高丘野老泣相语无地可防休翰林有客卿独负苍生忧中夜起踟躅思欲献厥谋君门峻且深跼足空夷犹

杂诗【二首】

混沌本无象末路多是非达士志寥廓所在能忘机畊凿时未至还山聊采薇虎豹对我蹲鸢鹭傍我飞仙人空中来谓我勿复归格泽为君驾虹蜺为君衣西游昆仑墟可与世人违

秋气肃天地太行高崔嵬援鼯清夜吟其声一何哀寂寞掩圭华梦寐游蓬莱琪树遶亭亭玉堂云中开洪崖吹箫管玉女飘飘来雨师既洗道后路无纤埃鄙哉楚襄王独好阳云台

陆著作挽歌【五首】

世业江湖侧郊原休沐处独言五日归未道千秋去乡亭春水绿昌阁寒光暮昔为昼锦游今成逝川路

二

归路秦城下寒云惨平田故园沧海边绿柳覆平川送客异他日还舟殊昔年华亭有明月长向陇头悬

三

剑水千人石荆江万里流英英有君子才德满中州明道俟良佐惟贤初薄游山涯一朝尽寂寞夜台幽

四

金堂防令名仙掖居清位鸣玉朝双阙垂纓游两地朝夕既论思春秋仍书事何言鲁声伯忽下琼珠泪

五

令德弃人世明朝降宠章起居存有位著作没为郎寒水落南浦月华虚北堂松门一长想彷徨

佛见清

山居贻裴十二迪

落叶满山砌苍烟埋竹扉
逺怀青冥士书剑常相依
霜卧眇兹地琴言纷已违
衡阳今万里南雁将何归
出径惜松引入舟怜钓矶
西林有明月夜久空防防

秦中歲晏马舍人宅宴集

冬暮久无乐西行至长安
故人处东第清夜多新欢
广庭竹陰静华池月色寒
知音尽词客方见交情难

唐储光羲诗集卷二

五言古诗

荐 德公庙

神道本无已成化亦自然君居寥天上德在玉华泉真游践玉豫永日迟云仙表防在营道明祀将祈年灵山俯新邑松上生彩烟岂知穆天子远去瑶池边

上长史王公贵躬

覆舟无伯夷覆居无仲尼自咎失明义宁由贝锦诗松柏日已坚桃李日以滋愿已独暗昧所居成蒺藜大贤荐时文丑妇用蛾眉惕惕愧不已岂敢论其私方朔既有言子建亦有诗恻隐及先世析薪成自悲灵鸟酬德辉黄雀报仁慈若公庶伏罪此事安能迟

至岳寺即大通大照禅塔上温上人

秋山下映宫宫色宜朝阳迢迢在半岭参差非一行燕息云满门出游花隐房二尊此成道禅宇遥相望凤铎天中鸣岩梯松下长山墟响信鼓蘅薄生蕙香起灭一以雪往来亦诚亡悲哉门弟子要自知心长

终南幽居献苏侍郎三首时拜太祝未上

暮春天气和登岭望层城朝日悬清景巍峩宫殿明圣君常临朝达士复悬衡道近无艮足归来卧山楹灵堦曝仙书深室链金英春岩松柏秀晨路鶡鸡鸣羽化既有言无然悲不成

中歳尚防道始知将谷神抗防还南山水木自相亲深林开一道青嶂成四邻平明去采薇日入行刈薪云归万壑暗雪罢千岩春始看 鸟来已见瑶华新寄言攀芳者无乃后时人

卜筑青岩里云萝四垂陰虚室若无人乔木自成林时有清风至侧闻樵采音凤凰鸣南冈望望隔层岑既言山路远复道溪流深倥傯空中游虬龙水间吟何当见轻翼为我达远心

题应圣观

空中望小山山下见余雪皎皎河汉女在兹养真骨登门骇天书啓籥问仙诀池光摇水雾灯色连松月合塼起花台折草成玉节天鸡弄白羽王母垂 髮北有上年宫一路在云霓上心方向道时复朝金阙

至闲居精舍呈正上人

太室三招提其趣皆不同不同非一趣况是天游宫双岭前夹门阁道复横空竇坊若花积宛转不可穷流泉自成池清松信饶风秋晏景气迥晶明丹素功近将隱者隣遠与西山通大师假惠照念以息防躬

酬綦母校书梦耶溪见赠之作

校文在仙掖每有沧洲心况以北 下梦游清溪陰春防湖水漫夜入迴塘深往往防垂葛出舟望前林山人松下饭钓客芦中吟小隱何足贵长年固可寻还车首东道惠言若黄金以我采薇意传之天姥岑

田家即事

蒲叶日已长杏花日已滋老农要看此贵不违天时迎晨起饭牛双驾耕东菑蚯蚓土中出田乌随我飞羣合乱啄噪嗷嗷如道饥我心多恻隱顾此两伤悲拨食与田乌日暮空筐归亲戚更相诮我心终不移

同王十三维偶然作【十首】

仲夏日中时草木看欲焦田家惜工力把锄来东臯顾望浮云陰往往误伤苗归来悲困极兄嫂共相饒无钱可沽酒何以解劬劳夜深星汉明庭宇虚寥寥高柳三五株可以独逍遥

北山种松柏南山种蒺藜出入虽同趣所向各有宜孔子贵仁义老氏好无为我心若虚空此心将安施暫过伊阙间晚晚三伏时高阁入云中芙蓉满清池要自非我室还望南山陲

野老本贫贱冒雨锄 田一畦未及终树下高枕眠荷篠者谁子皤皤来息肩不复问乡墟相见但依然腹中无一物高话羲皇年落日临层隅逍遥望晴川使妇提蚕筐呼儿榜渔船悠悠泛綠水去摘浦中莲莲花艳且美使我不能还

浮云在虚空随风复卷舒我心方处顺动作何忧虞但言嬰世网不复得闲居迢递别东国超遥来西都见人乃恭敬曾不问贤愚虽若不能言中心亦难诬故乡满亲戚道遠情日疏偶欲陈此意复无南飞鳧

草木花叶生相与命为春当非草木意信是故时人静念惻羣物何由知至真狂歌问夫子夫子莫能陈凤凰飞且鸣容裔下天津清静无言语兹焉庶可亲

黄河流向东弱水流向西趋舍各有异造化安能齐妾本邯郸女生长在丛台既闻容见宠复想 为妻刻画尚风流幸防君招攜逶迤歌舞座婉变芙蓉闺日月方向除恩爱忽焉睽弃置谁复道但悲生不谐羨彼匹妇意偕老常同栖

日暮登春山山鲜云复轻遠近看春色踟蹰新月明仙人浮丘公对月时吹笙丹鸟飞熠熠苍
蝇乱营营羣动汨吾真訛言伤我情安得如子晋与之游太清

耿耿铜鞮宫遥望长数里賓客无多少出入皆珠履朴儒亦何为辛苦读旧史不道无家舍效
他养妻子冽冽 冬暮衣裳无準拟偶然着道书神人养生理公卿时见赏赐賚难具纪莫问
身后事且论朝夕是

空山暮雨来众鸟竞栖息斯须照夕阳双双复抚翼我念天时好东田有稼穡浮云蔽川原新
流集沟洫徘徊顾衡宇僮仆邀我食卧览牀头书睡看机中织想见明膏煎中夜起唧唧

四邻竞丰屋我独好卑室窈窕高台中时闻抚清瑟狂飈动地起防木乃非一相顾始知悲中
心忧且栗蚩蚩命子弟恨不居高秩日入賓从归清晨冠盖出中庭有奇树荣早衰复疾此道
犹不知防言安可述

升天行贻卢六健

真人居阆风时奏清商音听者即王母泠泠和瑟琴坐对三花枝行随五云陰天长昆仑小日
久蓬莱深上由玉华宫下视首阳岑神州亦清淨要自有浮沉惻惻苦哉行 游子吟庐山
逢若士思欲化黄金雨雪没太山谁能无归心逍遥在云汉可以来相寻

田家杂兴【八首】

春至鸬鹚鸣薄言向田墅不能自力作黽勉娶邻女既念生子孙方思广田圃闲时相顾笑喜
悦好禾黍夜夜登啸台南望洞庭渚百草被霜露秋山响砧杵却羨故年时中情无所取

众人耻贫贱相与尚膏腴我情既浩荡所乐在畋渔山泽时晦暝归家暫闲居满园植葵藿绕
屋树桑榆禽雀知我闲翔集依我庐所愿在优游州县莫相呼日与南山老兀然倾一壶

逍遥阡陌上遠近无相识落日照秋山千岩同一色网罟绕深莽鷹鷃始轻翼猎马既如风奔
兽莫敢息驻旗沧海上犒士吳宫侧楚国有夫人性情本贞直鲜禽徒自致终歳竟不食

田家趋垅畝当昼掩虚闕隣里无烟火儿童共幽闲桔槔悬空圃鸡犬满桑间时来农事隙采
药游名山但言所采多不念路险艰人生如蜉蝣一往不可攀君看西王母千载美容顏

贫士养情性不复知忧乐去来行卖畚留滞南阳郭秋至黍苗黄无人可刈获孺子朝未饭把
竿逐鸟雀忽见梁将军乘车出宛洛意气轶道路光辉满墟落安知负薪者啜啜笑轻薄

楚山有高士梁国有遗老筑室既相邻向田复同道糗糒常共饭儿孙每更抱忘此耕耨劳愧
彼风雨好蟋蟀鸣空泽鷓鴣伤秋草日夕寒风来衣裳苦不早

梧桐防我门薜荔网我屋超超两夫妇朝出暮还宿稼穡既自种牛羊还自牧日旰懒耕锄登高望川陆空山足禽兽墟落多乔木白马谁家儿联翩相驰逐

种桑百余树种黍三十亩衣食既有余时时会亲友夏来菰米饭秋至菊花酒儒人喜逢迎稚子解趋走日暮闲园里团团防榆柳酩酊乘夜归凉风吹户牖清浅望河汉低昂看北斗数瓮犹未开明朝能饮否

题辨觉精舍

朝随秋云陰乃至青松林花阁空中遠方池岩下深竹风乱天语溪响成龙吟试问真君子游山非世心

题慎言法师故房

精庐不住子自有无生乡过客知何道徘徊鴈子堂浮云归故岭落月还西方日夕虚空里时闻异香

石瓮寺

遥山起真宇西向尽花林下见宫殿小上看廊庑深苑花落池水天语闻松音君子又知我焚香期化心

题崔山人别业

南阳隱居者筑室丹溪源溪冷惧秋宴室寒欣景暾山鸡鸣菌阁水雾入衡门东岭或舒啸北时讨论封君渭阳竹逸士汉陰园何必崆峒上独为尧所尊

行次田家澳梁作

田家俯长道邀我避炎氛当暑日方昼高天无片云桑间禾黍气柳下牛羊羣野雀栖空屋晨风不复闻前登澳梁坂极望温泉分逆旅方三舍西山犹未曛

昭圣观

主家隱溪口防路入花源数日朝青阁彩云犹在门双楼夹一殿玉女侍元扶櫳尽蟠木步櫚多画幡新松引天籁小柏绕山樊坐弄竹陰遠行随溪水喧石池辨春色林兽知人言未逐鳳凰去真宫在此原

题辛道士房

全神不言命所尚道家流迨此遠南楚遂令思北游先生秀衡岳玉立居 丘門帶江山靜房
隨瑤草幽逍遙三花發罔象五云浮自有太清紀曾垂華髮憂大年方橐籥小智即蜉蝣七日
赤龍至莫令余獨留

登秦嶺作時陷賊歸國

朝出猛獸林躑躅登高峰僮仆履雲霧隨我行太空羲和舒靈暉倏忽西極通迴首望涇渭隱
隱如長虹九逵合蒼茫五陵遙瞳蒙鹿游大明殿霧濕華清宮網羅蠃蠓時顧齒熊羆鋒失途
走江漢不能有其功氣逐招搖星魂隨閶闔風唯言宇宙清復使車書同林木被繁霜合沓連
山紅鵬鶚勵羽翼俯視荊棘叢誓將食鴿鶚然後歸崆峒

晦日任橋池亭

溫泉作天邑直北開新洲未有菰蒲生即聞鳬鴈游六亭在高岸數島居中流晦日望清波相
與期泛游西道苦轉轂北隄疲行舟清冷水木陰才可適我憂

望幸亭

五年一巡狩西幸過東畿周國易居守周人多怨思君王敷惠政程作貴從時大廈非一木沈
沉臨九逵慶雲宿飛棟嘉樹羅青墀防屏宜朝享方塘堪水嬉雲中仰華蓋桁下望春旗天意
知如此星言歸洛師

哥舒大夫頌德

天紀啓眞命君生臣亦生乃知赤帝子復有蒼龍精神武建皇極文昌開將星超超渭濱器落
落山西名畫闥入受服齒門出扞城戎人昧正朔我有軒轅兵隴路起鄴鎬關雲隨旆旌河湟
訓兵甲義勇方橫行韓衛多銳士蹙張在幕庭大非四決軋石堡高崢嶸攻伐若振槁孰云非
神明嘉謀即天意驟勝由師貞枯草被西陸烈風昏太清戢戈旄頭落牧馬昆侖平賓從儼冠
蓋封山紀天聲來朝芙蓉闕鳴玉飄華纓直道濟時寃天邦遂輕刑抗書報知己松柏亦以榮
嘉命列上第德輝照天京在車持簡墨粲粲皆詞英顧我搶榆者莫能翔青冥游燕非騏驎蹢躅
思長鳴

安宜園林獻高使君

直道已三黜幸從江上迴新居茅茨迥起見秋雲開十里次舟楫二橋交往來楚言滿鄰里鴈
呌喧池台魚鰲樂仁政沉浮亦至哉小山宜大隱要自望蓬萊

秋庭貽馬九【并序】

扶风马挺余之元伯也舍人诸昆知己之目挺充郑乡之赋予乃贻此诗

伊昔好观国自乡西入秦往复万余里相逢皆众人大君幸东岳世哲扈时巡予亦从此去闲居清洛滨稍稍寒木直彩彩阳华新迭宕孔文举风流石季伦妙年一相得白首定相亲重此虚宾馆欢言冬及春哲兄盛文史出入驰高轨令德本同人深心重知己絳衣朝圣主纱帐延才子伯淮与季江清濬各孤峙羣芳趋泛爱万物通情理而我信空虚提携过杞梓夫君美声德直道期终始孰谓忽离居优游郑东里东里近王城山连路亦平何言相去远闲言独凄清万里鸿鴈度四邻砧杵鸣其如久离别重以霜风惊

河中望鸟滩作贻吕四郎中

河流有深曲舟子莫能知弭棹临沙屿防吟西日驰平明春色霁两岸好风吹去去川途尽悠悠亲友离汉宫成羽翼伊水弄叅差为惜淮南子如何攀桂枝

唐储光羲诗集卷三

五言古诗

秦中初霁献给事【二首】

渭水收暮雨处处多新泽
宫苑傍山明云林带天碧
君子耸高驾英声邈今昔
锵佩出中台影纓入仙掖
夙心幸清鉴晚志欣良觌
鸣盗非足徵愿言同下客

二

南国久为思西都尝作宾
云开天地色日照山河春
善听在知己光唯达人妙
年弄柔翰弱冠偶良辰
擢第文昌阁还家沧海滨
寸心何所望东掖有贤臣

晚次东亭献郑州宋使君文

身初宾上国乃到邹人乡
曾防与曾子俱升阙里堂
武皇恢大略逸翮思寥廓
三居清宪台两拜文昌阁
为道既真信处名犹謇
谔铁柱励风威锦轴含光辉
夜闻持简立朝看伏奏
归洞门清佩响广路玉珂飞
骧首入丹掖抁空趋太防
丝纶逢圣主出入飘华组
悵悵宿帝梧侃侃居文府
海内语三独朝端谋六户
善计在羊清严归仲举侍郎
跨方朔中丞蔑周处天眷择
循良惟贤降宠章分符指聊
摄为政本农桑籍籍歌五袴
祁祁颂千箱随车防雨洒逐
扇清风飏既以迁列国复兹
隣帝乡褰帷乃仍旧坐啸非
更张居敬物无扰履端人自
康薄游出京邑引领东南望
林晚鸟雀噪田秋稼穡黄成
皋天地险广武征战场道丧
苦兵赋时来开井疆霏霏渠
门色晦晦制岩光徒念京索
近犹悲溱洧长大明潜照曜
淑慝自昭彰昔歲幸西土今
兹归洛阳同焉知郑伯当辅
我周王

秋次灊亭寄申大

橘柚植寒陵芙蓉蒂修坂
无言不得意得意何由展
况我行且徒而君往犹蹇
既伤人事近复言天道遠
薄暮入空亭中夜不能饭
南听鸿雁尽西见招摇转
千门汉主宫百里周王苑
杳杳初景出油油鲜云卷
会朝幸歲正校猎从秋猕
念君久京国双涕如露
无人荐子云太息竟谁辨

舟中别武金坛

曰予轻皎洁坦率宾混元
忽乃异羣萃高歌信陵门
信陵好宾客清夜开华轩
月光丽池阁野气浮林园
偶坐烂明星归志潜崩奔
漾舟清潭里慰我别离魂
落日下西山左右惨无言
萧条风雨散宵霭江湖昏
秋荷尚幽郁暮鸟复翩翩
纸笔亦何为寫我心中冤

巩城东庄道中作

北陵散寒鸟西山照初日婉娈晋阳京踟蹰野人室南轩草间去后乘林中出霭霭长路暖迟
迟狭路归蜉蝣时蔽月枳棘复伤衣城上东风起河边早雁飞夏王纪冬令殷人乃正月涯口
度新云山陰留故雪幸逢耆耄话余待亲邻别总轡出丛薄歇鞍登峻隅春源既荡潏伏战亦
睢盱未获遵平道徒言信薄夫

赴冯翊作

本自江海人且无寥廓志大明耀天宇霭霭风雨被迢逦别荆吳飄飄涉沂泗广川俟舟楫峻
坂伤骐驎蹭蹬失归道崎岖从下位西出太华陰北走少梁地葱茏墟落色泱泱關河气耻从
侠烈游甘为刀笔吏寶劍茱萸匣岂忘知音贵大道且泛然沈浮未云异

晚霁中园喜赦作

五月黄梅时陰气蔽遠迩浓云连晦朔菰菜生隣里落日烧霞明农夫知雨止几悲衽席湿长
叹垣墙毁曛朗天宇开家族跃以喜涣汗发大号坤元更资始散衣出中园小径尚滑履池光
摇万象倏忽灭复起嘉树如我心欣欣岂云已

观范阳遁俘

北河旄星殒 方弥林胡羣师舞弓矢电发归燕墟皇皇轩辕君贊贊皐陶謨方思壮军实遠
近逋生俘车马践大逵合沓成深渠牧人过橐駝校正引駒駝烈风朝送寒云雪霭天隅草木
同一色谁能辨荣枯四履封元戎百金酬勇夫大邦武功爵固与炎皇殊

次天元十载华陰发兵作时有郎官防发

方生猘狁时寇卢龙营帝念霍嫖姚诏发咸林兵天星下文阁简师临我城三陌观勇夫五
饵谋长纓雷野大车发震云灵鼓鸣太华色莽苍清渭风交横胡马悲雨雪诗人歌旆旌阌氏
为女奴单于作边氓神皇麒麟阁大将不书名

送丘健至州勅放作时任下邳县

太史登观台天街耀旄头大君忽霆震诏爵冠军侯南必梁孙源西将圉昆丘河陇徵击卒虎
符到我州朝集咸林城师言乱啁啾杀气变木德凜凜如高秋元戎啓神皇庙堂发嘉谋息兵
业稼穡归马复休牛和风开陰雪大耀中天流欢声殷河岳涵荡非烟浮邦牧新下车德礼被
眈眈乾坤日交泰吾亦遂优游

登商丘

河水日夜流客心多殷忧维梢歷宋国结缆登商丘汉皇封子弟周室命诸侯摇摇世祀怨伤
古复兼秋鸣鸿念极浦征旅慕前俦太息梁王苑时非牧马游

羣鸦咏

新宫骊山陰龙袞时出豫朝阳照羽仪清吹肃逵路羣鸦随太车夜满新丰树所思在腐余不
复忧霜露河低宫阁深灯隱鼓钟曙缤纷集寒枝矫翼时相顾冢宰收琳琅侍臣进鸳鹭高举
摩太清永絕矰繳惧兹禽亦翱翔不以防小故

尚书省受誓诫貽太庙裴丞

皇家有恒宪斋祭崇明祀严车伊洛间受誓文昌里沉沉云阁见稍稍城乌起曙色照衣冠虚
庭鸣劒履徘徊念私覲怅望临清汜防翰欲何言相思从此始

夏日寻蓝田唐丞登高宴集

东望春明门驾言聊出游南行小径尽綠竹临清流君出罢六安居此淡忘忧园林与城市间
里随人幽披顏辟衡闥置酒登崇丘山河临咫尺宇宙穷寸眸是时春载阳佳气满皇州宫殿
碧云里鸳鸯初命俦良辰方在兹志士安得休成名苟有地何必东陵侯

田家即事答崔二东臯作【四首】

鸟双双飞杏林初发花煦媮命僮仆可以树桑麻清旦理犂锄日入未还家
有客山中至言传故人讯荡 敷逺情飘飘吐清韵猗欵春臯上无乃成秋兴
念别求须臾忽至嚶鸣时菜田烧故草初树养新枝所寓非幽深梦寐相追随
依依亲陇亩寂寂无隣里不闻鸡犬音日见和风起頼君遗揆藻忧来散能弭

敬酬陈掾亲家翁秋夜有赠

大姬配胡公位乃三恪宾盛德百代祀斯言良不泯敬仲为齐卿当国名益震文举登宰辅太
丘荣縉绅武皇受瑶图爵土封其新繁祉既骤集裔孙生贤臣特达逾珪璋节操方松筠云汉
一矫翼天池三振鳞曳裾朝赤墀酌醴侍紫宸大君锡车马时复过平津言则广台阶道亦资
天均清秋忽高兴振藻若有神曜曜趋宫廷洸洸迈徐陈镐京既赐第门巷交朱轮方将袭伊
臯永以崇夏殷宗党无逺近敬恭依仁人雪尽宇宙暄雁归沧海春沉吟白华颂帝闕降丝纶
驿骑及芜城相逢在郊鄆别离旷南北谴谪罹苦辛昼游还荆呉迷方客咸秦惟贤惠重义男
女期嘉姻梧桐生朝阳鷓鴣鸣萧晨岂不畏时暮坎 无与隣中夜凉风来顾我阙音尘琼瑶

不遐弃寤寐如日新

苏十三瞻登玉泉寺峰入寺中见赠作

庆门叠华组盛列钟英彦贞信发天姿文明叶邦选为情贵深遽作德齐隐见别业在春山懷
归出芳甸逖听多时友招邀及浮贱朝防灞水穷暮瞩蓝田徧百花照阡陌万木森乡县润净
绿萝深岩暄新鸟啖依然造华薄豁尔开灵院淹留火禁辰愉乐 歌宴肃肃列樽俎锵锵引
纓弁天籁激防风阳光烁奔箭以兹小人腹不胜君子饌是日既低迷中宵方眇 枕上思独
往胸中理交战碧云暗雨来旧原芳色变欢然自此絕心赏何由见鸿蒙已笑云列缺仍挥电
忽与去人遠俄逢归者便想像玉泉宫依稀明月殿峰峦若登陟水木以游衍息心幸自忘防
翰仍留眷恨无荆文璧以答丹青绚

酬李处士山中见赠

厥初游太学相与极周旋舍采共朝暮知言同古先孟阳题劒阁子云献甘泉斯须旷千里婉
婉将十年今来艳阳月好鸟鸣翩翩同声既求友不肖亦懷贤引领迟芳信果枉瑶华篇成颂
非其德高文徒自妍声尘邈超越比兴起孤絕始信郢中人乃能歌白雪跂予北堂夜摇笔酬
明哲绿竹动清风层轩静华月想像南山下怡然谢朝列犹恐鷓鴣鸣坐看芳草歇邀以青松
色同知白华洁永愿登龙门相将持此节

同诸公秋日游昆明池思古

仆人理车骑西出金光逵苍苍白帝郊我将游灵池太陰连晦朔雨与天根违凄风披田原横
污益山陂农畷尽顛沛顾望稼穡悲皇灵惻羣眚神政张天维坤纪戮屏翳元纲扶逶迤回塘
清沧流大曜悬金晖秋色浮浑沌清光随涟漪豫章尽莓苔柳杞成枯枝骤闻汉天子征彼西
南夷伐棘开洪渊秉旄训我师震云灵鼉鼓照水蛟龙旗锐士千万人猛气如熊罴刑罚一以
正干戈自有仪坐作河汉倾进退楼船飞羽发鸿雁落旂动芙蓉披戢戢三云宫肃肃振旅归
恶德忽小丑器用穷地赍上兵贵伐谋此道不能为吁哉蒸人苦始曰征伐非穆穆轩辕朝耀
德守方陲君臣日安闲遠近无怨思石鲸既蹭蹬女牛亦流离防獭游渚隅葭芦生漣湄坎埴
四十里填淤今已防江伯方翱翔天吳亟往来桑榆惨无色伫立暮霏霏老幼樵木还宾从迴
轶羈帝梦鲜鱼索明月当报时

同诸公登慈恩寺塔

金祠起真宇直上青云垂地静我亦闲登之秋清时苍茱宜春苑片碧昆明池谁道天汉高迢
遥方在兹虚形宾太极携手行翠防雷雨傍杳防 神中躩踞灵变在倏忽莫能穷天涯冠上
闾阖开履下鸿雁飞宫室低迢迢羣山小防差俯仰宇宙空庶随了义归巖巖非大厦久居亦
以危

同诸公秋霁曲江俯见南山

天静终南高俯映江水明有若蓬莱下浅深见澄瀛羣峰悬中流石壁如瑶琼鱼龙隐苍翠鸟兽游清泠菰蒲林下秋薜荔波中轻山夏浴兰趾水若居云屏岚气浮渚宫孤光随曜灵陰陰豫章馆宛宛百花亭大君及羣臣晏乐方嚶鸣吾党二三子萧辰怡性情逍遥沧洲时乃在长安城

同诸公送李云南伐蛮

昆明滨滇池蠢尔敢逆常天星耀鉞钺吊彼西南方冢宰统元戎太守齿军行囊括千万里矢谟在庙堂耀耀金虎符一息到炎荒搜兵自交趾芟舍出泸阳羣山高崭岩凌越如乌翔封豕骤踰伏巨象摇披攘迴溪深天渊揭厉逾舟梁武扫孤蜮蛟龙除方良雷霆随神兵礚礚动穹苍斩伐若草木系縲同犬羊余丑隐弭河啁啾乱行藏君子恶薄险王师耻重伤广车设置梁太白收光芒边吏静县道新书行纪纲劒關掉鞅归武弁朝建章龙楼加命服獬豸拥秋霜邦人颂灵旗侧听何洋洋京观在七德休哉我神皇

奉和韦判官献侍郎叔除河东采访使

天卿小冢宰道大名亦大丑正在权臣建旗千里外楚山俯江汉汴水连谯沛两持方伯珪再转诸侯盖恬淡轻黜陟优游邈千载乾象变台衡羣贤尽交泰聿徠股肱郡河岳即襟带盛德滋冀方仁风清汾浚四封尽高足相府轺车最超超青云器婉婉竹林会贱士敢知言成颂文明代燕雀依大厦期之保贞悔

同王十三维哭殷遥

生理无不尽念君在中年游道虽未深举世莫能贤筮仕苦贫贱为客少田园膏腴不可求乃在许西偏四邻尽桑柘咫尺开墙垣内艰未及虞形影随化迁茅茨俯苦盖双殡两楹间时间孤女号迥出陌与阡慈乌乱飞鸣猛兽亦以踰故人王夫子静念无生篇哀乐久已絶闻之将然太阳蔽空虚雨雪浮苍山迢遰亲灵榭顾予悲絶处顺与安时及此乃空言

贻丁主簿仙芝别

赫赫明天子翘翘羣秀才昭昭皇宇广隱隱云门开摇曳君初起联翩予复来兹年不得意相命游灵防骅骝多逸气琳琅有清响聯行击水飞独影凌虚上關河施芳听江海徼新赏斂衽归故山敷言播天壤云峰虽有异楚越幸相亲既别复游处道深情更殷下愚忝闻见上德犹邐迤偃仰东城曲栖迟依水滨脱巾从会府结绶归海裔亲知送河门邦族迎江滙夫子安恬淡他人怅迢迢飞舲既眇然洲渚徒亏蔽人谋固无準天德谅难知高名处下位逸翮栖卑枝去去水中沚摇摇天一涯蓬壶不可见来泛跃龙池

京口送别王四谊

江上枫林秋江中秋水流清晨惜分袂秋日尚同舟落潮洗鱼浦倾荷枕驿楼明年菊花熟洛东泛觴游

唐储光羲诗集卷四

五言古诗

同房宪部应旋

衡山法王子慧见息诸苦落髮自南州燕居在西土养正不因晦得中宁患旅旷然长虚闲即理寄行补四句了自性一音亦非取橘柚故园枝随人植庭户我地少安住念天时啓处宪卿文昌归愉悦来晤语车骑践香草仆人沐花雨长风散繁云万里静天宇起灭信易觉清真知有所逍遥高殿陰六月无炎暑防言发新偈粲粲如悬圃直心视惠光在此大法鼓

奉别长史庾公太守徐公应召

烈风起江汉白浪忽如山方伯骤勤王 人亦忧天酆镐顷霾晦云龙召我贤车骑北艰苦艤西泝防水灵静湍瀨猛兽趋后先龙楼开新阳万里出云间宇宙既焜耀崇德济巨川受命在神宗振兵犹轩轅煌煌逾涿鹿穆穆更坤元明王朝太阶逵迤望嘉言游子淡何思江湖将永年

狱中贻姚张薛李郑柳诸公

直道时莫亲起羞见谗口与人是非怪西子言有咎诬善不足悲失听一何丑大来敢遐望小往且虚受中夜囹圄深初秋縲继久踈萤出暗草朔风鸣衰柳河汉低在户蟪蛄垂向牖雁声遶天末凉气生霁后负户愁读书劒光忿冲斗哀哀害神理惻惻伤慈母妻子垂涕泣家僮日奔走书词苦人吏馈食劳交友寒服犹未成繁霜渐将厚吉凶问詹尹倚伏信北叟 哭知己冤鸟言诚所诱诸公深惠爱朝夕相左右东湿虽欲操钧金庶无负伤罗念摇翮踈足思骧首瑾瑜颇匿瑕邦国方含垢眷言出深穽永日常携手

贻鼓吹李丞时信安王北伐李公王之所器者也

北伐昧天造王师示有征轅门统元律帝室命宗英灵威方首事仗钺按边城膏雨被春草黄云浮太清文儒托后乘武旅趋前旌出车发西洛营军临北平曰予深固陋志气颇纵横尝思骠骑幙愿逐嫖姚兵惟贤美无度海内依 声河间旧相许车骑日逢迎折节下谋士深心论客卿忠言虽未列庶以知君诚

贻王侍御出台掾丹阳

高高琅琊台台下生箇籀照车十二乘光彩不足谕既当少防星复隱高山雾金丘华阳下仙伯养晦处茅茨对三峰梧桐开一路神溪绕臯陆樵牧自成趣时登青防游若从天江度墟里献薇蕨羣公致衣缕深沉复清浄偃仰视太素猛兽识宾仆頽霞知早暮峨峨云龙开忽有方

伯遇达人无不可壮志且驰骛融泄长鸡鸣缤纷大鹏翥赤墀高崱另一见如三顾礼服正邦祀刑冠肃王度三辰明昭代光啓元祚章台收梓太液满鹓鹭丰泽耀纯仁八方晏黔庶沉沉闾阖起殷殷蓬菜曙旌防俨成行鸡人传发煦翔翼一如鹖百辟莫不惧清庙奉蒸尝灵山扈銮辂天街时蹴踖直指防樑栝四月纯阳初雷雨始奋豫逆星孛皇极鉄鏃静天步酆镐舒曜灵干戈藏武库析防增广运直道有好恶迴迹清宪台传骑东南去列城异畴昔近饑寡徒御纏綿西關道婉变新丰树伊洛不敢息淮河任防泝乡亭茱萸津先后非防附炎时方怵惕有若践霜露惆悵长岑长寂寞梁王傳纷吾家延州结友在童孺岑阳沐天德邦邑持民务踟躕望朝陰如何复沦误牙旷三千里击辕非所慕秋涛联沧溟舟楫湊北固江汜日绵眇朝夕空寐寤中洞松栝新东臯阡陌故余辉方焜耀可以欢邑聚南华在濠上谁辩魏王瓠登陟芙蓉楼为我时一赋

贻刘高士别

凤驾出东城城傍早霞散初日照龙阙峨峨在天半壮哉丽百常美矣崇两观俯视趋朝客簪佩何璀璨而我送将归徘徊防陵岸北云去吳越南雁离江汉伊昔蹈丘园翩翩理文翰高谈闵仲叔逸气刘公干每言竹栢贞尝轻朝市玩山昼猿狖静溪曛鱼鸟乱宁止卧崆峒直云期汗漫圣君既理歷族土咸炳焕矫首来天池振羽泛漪澜元淑命不达伯鸾吟可叹东去姑苏台乃过陟阳馆舍轡函關道浮舟沧海畔耳目旷暄凉怀抱盈悲惋沉沉青歲晚霭霭秋云换自言永遁栖无复从羈絆挥手谢知己已知已莫能讚

山中贻崔六琪华

恍惚登高岭徘徊防落日遥想仲长园如亲幼安室春渚菖蒲登山中播谷鸣相思不道遠太息未知情意君来此地时复踈林薄中夜扫闲门迎晨闭菌阁屣履清池上家童奉信归忧随落花散目送归云飞故交在天末新知复千里无人暂往来独作中林士

贻余处士

故园至新浦遥复未百里北望是他邦纷吾即游士潮来津门啓罢楫信流水客意乃成欢舟人亦相喜迟迟菱苕上泛泛菰蒲里渐闻商旅喧犹见鳬鹭起市亭忽云构方物如山峙吳王昔丧元隋帝又灭祀停舫一以眺太息兴亡理秋苑故池田宫门新柳我行苦炎月乃及清昊始此地日逢迎终思隱君子莫言异舒卷形音在心耳

刘先生闲居

高第后归道乃居玉华宫逍遥人间世不异浮丘公甘寝何秉羽出门忽从戎方将游昆仑又欲小崆峒进退既在我归来长安中焚香东海君侍坐西山童善行无辙迹吾亦安能穷但见神色闲中心如虚空期之比天老眞德辅帝鸿

京口题崇上人山亭

清旦歷香岩岩径纡复直花林开宿雾游目清霄极分明 户中遠近山川色金沙童子戲香饭诸天食呌呌海鸿声轩轩江燕翼寄言清浄者闻阎徒自踣

朝邑蔡主簿期不防【二首】

下位日趋走久之宾会踈空迟偶词赋所愧比园庐朝念池上酌暮逢林下书方将固封守暂欲混畋渔衰柳隱长路秋云满太虚遥遥望左右日入未迴车

二

日入清风至知君在西偏车輿既成列宾仆复能贤迢递下墟坂逍遥看井田苍山起暮雨极浦浮长烟服义大如志交欢数尽年宁言十余里不见空来还

巩城南河作寄徐三景晖

初年雨候迟巩洛河流小摇摇芳草岸屡见春山晓清露洗云林轻波戲鱼鸟唯言故人遠不念乡川眇舟楫去濛濛湍湍行奔峭寄书千里路莫道南鸿少

贻阎处士防卜居终南

春风摇杂树言别还江汜坚冰生绿潭又客三千里兆梦唯顏色悬情乃文史淅耳贵清言披欢迟玉趾秦城疑旧庐伫立问焉如稚子跪而说还山将隱居竹林既深遠松宇复清虚迹迴事多逸心安趣有余石门动高韵草堂新著书騫飞久超絕蹇足空踟躇犹有昔时意望君当照车驱车当六国何以须潜默圣主常徵贤羣公每举德此时方独往身志将何欲愿谢山中人迴车首归躅

新丰作贻殷四校书

汉皇思旧邑秦地作新丰南出华阳路西分长乐宫安知天地久不与昔年同鸡犬暮声合城池秋霁空纷吾从此去望极咸阳中不见芸香阁徒思文雅雄

华阳作贻祖三咏

朝行敷水上暮出华山东高馆宿初静长亭秋转空日余久沦汨重此闻霜风淅沥入溪树飏飏惊夕鸿凄然望伊洛如见息阳宫旧识无高位新知尽固穷夫君独轻举遠近善文雄岂念千里驾崎岖秦塞中

貽袁三拾遺謫作

傾蓋洛之濱依然心事親
龍門何以峻曾是好詞人
珥筆朝文陛含章諷紫宸
帝城多壯觀被服長如春
天子儉為德而能清約身
公卿盡虛位天下自趣塵
如君物望美令德聲何已
高帝黜儒生文皇謫才子
朝廷非不盛譴謫良難恃
路出大江陰川行碧峰里
斯言徒自玷白玉豈為滓
希聲盡眾人深識唯知己
已知已怨生離悠悠天一涯
寸心因夢斷孤憤為年移
花滿芙蓉闕春深朝夕池
空令千萬里長望白雲垂

洛中貽朝校書衡朝即日本人也

萬國朝天中東隅道最長
吾生美無度高駕仕春坊
出入蓬山里逍遙伊水傍
伯鸞游太學中夜一相望
落日懸高殿秋風入洞房
屢言相去遠不覺生朝光

貽崔太祝

天都分禮閣肅肅臨清渠
春山照前屏高槐防內除
惟賢尚廩祿弟去兄來居
文雅更驤首風流信有余
中年幸從事乃遇兩吹噓
何以知君子交情復淡如

貽王處士子文

春草生洞渚春風入上林
春臯有黃鶴撫翮未傷音
王屋嘗嘉遁伊川復陸沉
張鷟鸚鵡弄閉室蓬蒿深
避地歌三樂游山賦九吟
大君思左右無乃化黃金

獻華陰羅丞別

華山薄游者髮當青春
道德同仙吏尊卑即丈人
縣城俯京路獲見官舍里
淹留琮樹枝謔浪春泉水
昔余在天目總角奉游從
寒暑遞來往今復蓮花峰
別情無遠近道別方愁予
孰想古人言乃知悲風雨

閑居

薄游何所愧所愧在閑居
親故不來往中園時讀書
步欄滴余雪春塘抽新蒲
梧桐漸覆井時鳥自相呼
悠然念故鄉乃在天一隅
安得如浮雲來往方須臾

送恂上人還吳

洛城本天邑洛水即天池
君王既行幸法子復來儀
虛室香花滿清川楊柳垂
乘閑道歸去遠意誰能知

送周十一

秋风陨羣木众草下严霜复问子何如自言之帝乡岂无亲所爱将欲济时康握手别征驾返悲岐路长

七言古诗

新丰主人

新丰主人新酒熟旧客还归旧堂宿满酌香含北砌花盈樽色泛南轩竹云散天高秋月明东家少女解秦箏醉来忘却巴陵道梦中疑是洛阳城

登戲马台作

君不见宋公杖 诛燕后英雄踊跃争趋走小会衣冠吕梁壑大徵甲卒碣磳口天门神武树元勲九日茱萸飡六军泛泛楼船游极浦摇摇歌吹动浮云居人满目市朝变霸业犹存齐楚甸泗水南流桐栢川沂山北走琅琊县沧海沉沉晨雾开彭城烈烈秋风来少年自言未得意日暮萧条登古台

貽从军行

取胜小非川来朝明光殿东平不足先梦出鳳林间梦还沧海阙万里尽陰色岂为我离别马上吹笛起寒风道傍舞劒飞春雪男儿悬 非一日君去成高节

酬李壶關奉使行县忆诸公

青风江上沧浪吟白月宫中鸚鵡林非有净清心同道同房若断金离居忽有云山意清韵遥传舟楫事去时能忆竹园游来时莫忘桃园记

薔薇

裊裊长数寻青青不作林一茎独秀当庭心数枝分作满庭陰春日迟迟欲将半庭影离离正堪玩枝上娇莺不畏人叶底飞蛾自相乱秦家女儿爱芳菲画眉相伴采葳防高处红须欲就手低邊绿刺已牵衣蒲萄架上朝光满杨柳园中暝鸟飞连袂踏歌从此去风吹香气逐人归

同张侍御宴北楼

今之太守古诸侯出入双旌垂七旒朝览干戈时听讼暮延宾客复登楼西山漠漠崦嵫色北渚沉沉江汉流良宵清浄方高会綉服光辉聯皂盖鱼龙恍惚堦墀下云雾杳冥 户外水灵

慷慨行泣珠游女飘飘思解佩苍苍低月半遥城落落疎星满太清不忍开 悲楚奏愿言吹
笛退胡兵轩后青丘埋楔防周王白羽扫揜枪期君武节朝龙阙余亦翱翔归玉京

唐储光羲诗集卷五

五言律诗

临江亭五咏【并序】

建业为都旧矣晋主来此而礼物尽备虽云在德亦云在险京口其地也呜呼有邦国者有兴亡焉自晋及陈五世而灭以今懷古五篇为咏临江亭得其胜槩寄以兴言虽未及乎辩士亦其志也

晋家南作帝京鎮北为關江水中分地城楼下帶山金陵事已往青盖理无还落日空亭上愁看龙尾湾

二

山横小苑前路尽大江边此地兴王业无如宋主贤潮生建业水风散广陵烟直望清波里祗言别有天

三

城头落暮晖城外捣秋衣江水青云挹芦花白雪飞南州王气疾东国海风防借问商歌客年年何处归

四

古木啸寒禽层城帶夕陰梁园多綠树楚岸尽枫林山际空为险江流长自深平生何以恨天地本无心

五

京山千里过孤愤望中来江势将天合城门向水开落霞明楚岸夕露湿吳台去去无相识陈皇安在哉钱张七琚任宗城即环之季也同产八人俱以才名知

他日曾游魏魏家余趾存可怜宫殿所但见桑榆繁此去拜新职为荣近故园高阳八才子况复在君门

留别安庆李太守

明牧念行子又言悲解携初筵方落日醉止到鸣鸡过客来自北大军居在西兵家如讨逆敢

以底盘溪

洛阳东门送别

东城别故人腊月迟芳辰不惜孤舟去其如两地春花明洛阳苑水绿小平津是日不相见莺声徒自新

汉阳即事

楚国千里远孰知方寸违春游欢有客夕寝赋无衣江水带水绿桃花随雨飞九歌有深意捐佩乃言归

泊江潭贻马校书

明月挂青天遥遥如目前故人游画阁却望似云边水宿依渔父歌声好采莲采莲江上曲今夕为君传

送沈校书吴中搜书

郊外亭臯远野中岐路分苑门临渭水山翠杂春云秦阁多遗典吴台访阙文君王思校理莫滞清江滨

寒夜江口泊舟

寒潮信未起出浦防孤舟一夜苦风浪自然增旅愁吴山迟海月楚火照江流欲有知音者异乡谁可求

苑外至龙兴院作

朝游天苑外忽见法筵开山势当空出云阴满地来踈钟清月殿幽梵静花台日暮香林下飘飘仙步迴

题虬上人房

禅宫分两地释子一为心入道无来去清言见古今江寒池水绿山暝竹园深别有中天月遥遥散夕阴

咏山泉

山中有流水借问不知名映地为天色飞空作雨声转来深涧满分出小池平恬澹无人见年年长自清

贻主客吕郎中

上士既开天中朝为得贤青云方羽翼画省比神仙委佩云霄里含香日月前君王傥借问客有上林篇

京口留别徐大补阙赵二零陵

皇州月初晓处处鼓钟喧树出蓬莱殿城开阖闾门近臣朝 阙词客向文园独有三川路空伤游子魂

答王十三维

门生故来往知欲命浮觞忽奉朝青阁回车入上阳落花满春水踈柳映新塘是日归来暮劳君奏雅章奉和中书徐侍郎中书省翫白云寄颍阳赵大

青阙朝初退白云遥在天非闕取雷雨故欲伴神仙泛灊陂池曲飘飘 阙前犹多逺山意幸入侍臣篇

和张太祝冬祭马步

故坛何肃肃中野自无喧烈火见陈信飏言闻永存房星隐曙色朔风动寒原今日歌天马非闕征大宛

祭风伯坛应张太祝作

圣主御青春纶言命使臣将修风伯祀更福太平人帘幕宵联事坛场晓降神帝心矜动物非为属车人

寻徐山人遇马舍人

泊舟伊川右正见野人归日暮春山绿我心清且防岩声风雨度水气云霞飞复有金门客来防萝薜衣

夜观妓

白雪宜新舞清宵召楚妃娇童携锦荐侍女整罗衣花映垂鬟转香迎步履飞徐徐敛长袖双

烛送将归

洛桥送别

河桥送客舟河水正安流
逺见轻桡动遥怜故国游
海禽逢早雁江月值新秋
一听南津曲分明散别愁

秦中送人覲省

二月清江外遥遥见故人
南山晴有雪东陌霁无尘
骑别章台晚舟行洛水春
知君梁苑去日见白华新

洛中送人还江东

洛城春雨霁相送下江乡
树緑天津道山明伊水阳
孤舟从此去客思一何长
直望清波里唯余落日光

送姚六昆客任会稽何大蹇任孟县

越城临渤澥晋国在河汾
仙綬两乡意青郊一路分
野棠春未发田雀暮成羣
他日思呉会尝因西北云

洛潭送人覲省

清洛带芝田东流入大川
舟轻水复急别望杳如仙
细草生春岸明霞散早天
送君唯一曲当是白华篇

送人随大夫和蕃

西方有六国国国愿来宾
圣主今无外怀柔遣使臣
大夫开幕府才子作行人
解劒聊相送边城二月春

仲夏饯魏四河北覲叔

落日临御沟送君还北州
树凉征马去路暝归人愁
呉岳夏云尽渭河秋水流
东篱摘芳菊想见竹林游

送人寻裴斐

柱史廻清宪谪居临汉川迟君千里驾方外赏云泉路断因春水山深隔暝烟湘江见游女寄
摘一枝莲

陇头水送别

相送陇山头东西陇水流从来心胆盛今日为君愁暗雪迷征路寒云隐戍楼唯余旌旆影相
逐去悠悠

送王上人还襄阳

朝看法云散知有至人还送客临伊水行车出故關天花满南国精舍在空山虽复时来去中
心长日闲

官庄池观竞渡

落日吹箫管清池发棹歌船争先后渡岸激去来波水叶藏鱼鸟林花间绮罗踟蹰仙女处犹
似望天河

重寄虬上人

一作云峰别三看花柳朝青山隔远路明月空长霄鹊浴西江雨鸡鸣东海潮此情劳梦寐况
道双林遥

张谷田舍

县官清且俭深谷有人家一径入寒竹小桥穿野花碓喧春涧满梯倚绿桑斜自說年来稔前
村酒可賒

五言排律

大酺得长字韵时任安宜尉

大道启元命时人居太康中朝发 泽下国被天光明诏始端午初筵当履霜鼓鼙迎爽气羽
籥映新阳太守即 圃淮夷成葆疆小臣慙下位拜手颂灵长

同张侍御鼎和京兆萧兵曹华歲晚南园

公府传休沐私庭效陆沉方知从大隱非复在幽林阙下忠贞志人间孝友心既将冠盖雅仍
与薜萝深寒变中园柳春归上苑禽池涵青草色山带白云陰潘岳闲居赋钟期流水琴一经

当自足何用遗黄金

奉酬张五丈垂赠

防服去江汜白华生大梁星辰动异色羔雁成新行日望天朝近时忧郢路长情言间蒹轴惠
念及沧浪松柏以之茂江湖亦自忘贾生方吊屈岂敢比南昌

秦中守歲

众星已穷次青帝方行春永感易成戚离居难重陈阖门守初夜燎火到清晨或念无生法多
伤未出尘广庭日将晏虚室自为宾愿以桑榆末常逢甲子新

献高使君大酺作

肃穆郊禋毕工歌赏事并三朝遵湛露一道洽仁明布德音皆应无为物自成花添罗绮色莺
乱管弦声独有同高唱空陪乐太平

荥阳马氏二子

圣君封太岳十月建行旃輶路开千里寒云雾九天故人多侍从二子留伊川河兗水初合關
城月屡圆暝过荥水上闻说郑卿贤材蔽行人右名居东里先制岩开别业桑柘亦依然待至
金园侧相将居一防

观竞渡

大夫沉楚水千祀国人哀习棹江流长迎神雨雾开标随綠云动船逆清波来下怖鱼龙起上
惊鳧雁迴能令秋大有鼓吹遠相催

太学貽张筠

壁池忝门子俄顷变炎凉綠竹深虚馆清流响洞房园林在建业新友去咸阳中夜鼓钟静初
秋漏刻长浮云开太室华盖上明堂空此遠相望劳歌还自伤

七言律诗

田家即事

桑柘悠悠水蘸堤晚风晴景不妨犁高机犹织卧蚕子下坂饥逢饷馐妻杏色满林羊酪熟麦
凉浮垆雉媒低生时乐死皆由命事在皇天志不迷

五言絕句

洛陽道五首獻呂四郎中

洛水春水開洛城春水綠朝看大道上落花亂馬足

二

劇孟不知名千金買寶劍出入平津邸自言嬌且艷

三

大道直如髮春日佳氣多五陵貴公子雙雙鳴玉珂

四

春風二月時道傍柳堪把上枝覆官閣下枝覆車馬

五

洛水照千門千門碧空里少年不得志走馬游新市

同武平一員外游湖

竹吹留歌扇蓮香入舞衣前溪多曲溆乘興莫先歸

長安道【二首】

鳴鞭過酒肆絃服游倡門百萬一時盡含情無片言

二

西行一千里暝色生寒樹暗聞歌吹聲知是長安路

江南曲【四首】

綠江深見底高浪直翻空慣是湖邊住舟輕不畏風

二

逐流牵荇叶綠岸摘芦苗为惜鸳鸯鸟轻轻动画桡

三

日暮长江里相邀归渡头落花如有意来去逐船流

四

隔江看树色防月听歌声不是长干住那从此路行

關山月

一鴈过连营繁霜覆古城胡笳在何处半夜起边声

玉真公主山居

山北天泉苑山西鳳女家不言沁园好独隱武陵花

沧浪峡

沧浪临古道道上若成尘自有沧浪峡谁为无事人

奉眞观

眞门迴向北驰道直向西为与天光近云色成虹蜺

七言絶句

明妃曲【四首】

西行陇上泣胡天南向云中指渭川毳幕夜来时宛转何由得似汉王边

胡王知妾不胜悲乐府皆传汉国辞朝来马上箜篌引稍似宫中闲夜时

日暮惊沙乱雪飞傍人相劝易罗衣强来前殿看歌舞共待单于夜猎归

彩骑双双引寶车羌笛两两奏胡笳若为别得横桥路莫隱宫中玉树花

同武平一员外游湖五首时武貶金坛令

红荷碧篠夜相鲜
皂盖兰桡浮翠筵
舟中对舞邯郸曲
月下双弹卢女
青林碧屿暗相期
缓楫挥觥欲赋诗
借问高歌凡几转
河低月落五更时
朝来仙阁听 歌
暝入花亭见绮罗
池边命酒怜风月
浦口回船惜芰荷
朦胧竹影蔽岩扉
淡荡荷风飘舞衣
舟寻绿水宵将半
月隐青林人未归
花潭竹屿傍幽蹊
画楫浮空入夜溪
芰荷覆水船难进
歌舞留人月易低
题茅山华阳洞

华阳洞口片云飞
细雨蒙蒙欲湿衣
玉箫遍满仙坛上
应是茅家兄弟归
寄孙山人

新林二月孤舟还
水满清江花满山
借问故园隐君子
时时来往住人间